



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

A.nr.470/2025

PANELI ZGJEDHOR PËR ANKESA DHE PARASHTRESA (PZAP), në panelin e përbërë nga gjyqtarët: Arsim Hamzaj - kryesues, Kymete Kicaj - Skender Çoçaj - anëtarë, duke vendosur përkitazi me ankesën e subjektit politik Lëvizja Vetëvendosje (LVV), me seli në Prishtinë, paraqitur kundër subjektit politik Lidhja Demokratike e Kosovës (LDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore, për Zgjedhjet e Përgjithshme për Kuvendin e Republikës së Kosovës ,në seancën e panelit të mbajtur më datë 11.02.2025, merr këtë:

V E N D I M

Hedhet e palejuar ankesa Anr.470/2025 e datës 09.02.2025 parashtruar nga subjektit politik Lëvizja Vetëvendosje (LVV), me seli në Prishtinë, kundër subjektit politik Lidhja Demokratike e Kosovës (LDK), me seli në Prishtinë.

A r s y e t i m

Me datën 09.02.2025 PZAP-i, ka pranuar ankesën e identifikuar me numër A.nr.470/2025 , të datës 09.02.2025, nga subjekti politik Lëvizja Vetëvendosje (LVV). me seli në Prishtinë, në të cilat pretendohet se më datë 8 shkurt 2025, Qendra e Lëvizja Vetëvendosje (LVV), ka identifikuar statusin e kryetarit të Prishtinës nga rradhet e subjektit politik LDK, Perparim Rama që ka berë thirje duke shkruar “DIASPOR E DASHUR”. Të nderuar qytetarë të respektuar bashkëkombës, Sot, më shumë se kurrë, është e rëndësishme të rikthejmë vlerat mbi të cilat është ndërtuar shteti ynë: Respektin për sakrificën e atyre që luftuan për lirinë tonë - JO ofendime dhe mohime të sakrificës së tyre! Ata që dhanë jetën dhe u flijuan për këtë vend meritojnë nderim dhe mirënjohje të përjetshme, jo fyerje dhe urrejtje. Respektin ndaj atyre që ndërtuan institucionet e këtij shteti - JO përqeshie dhe nxitie të përçarjes! Kosova nuk u ngrit nga askund por mbi mundin, dijen dhe vizionin e atyre që ndërtuan themelet e saj, dhe askush nuk ka të drejtë ti përbaltë këto arritje. Forcimin e familjes si

shtylla themelore e shoqërisë sonë dhe mbrojtjen e individualitetit si vlerë e patjetërsueshme - JO imponim ideologjik dhe propagandë totalitare! Kosova është dhe duhet të mbetet një vend i lirë, ku qytetarët nuk uniformohen, nuk ndjekin verbërisht individin dhe nuk bien pre e politikave që kërkojnë nënshtrim e jo mendim të lirë. JO bereta të kuqe, JO "Baba"! Të besojmë në një Kosovë të ndërtuar mbi vlera të qëndrueshme, mbi respekt dhe dinjitet, jo mbi përçarje, mohim e manipulim! Nuk kemi ardhur këtu për të ndarë njerëzit, për të përçarë qytetarët apo për të përdorur gjuhën e urrejtjes dhe fyerjeve. Nuk duhet të jetë Politika si një arenë hakmarrjeje, por si një mision për të ndërtuar një të ardhme më të mirë për të gjithë, Fatkeqësisht, ata që sot e mbajnë pushtetin e kanë dëshmuar të kundërtën, pa një program për qytetarët, vetëm përçarje, përqeshje etiketime dhe ofendime. Ata nuk kanë ndërtuar, por kanë bllokuar! Projektet madhore të kryeqytetit dhe të shumë komunave të tjera janë bllokuar nga qeveria, jo për arsye profesionale apo ligjore, por për inate politike. Në vend që të punonin për zhvillim, ata kanë penalizuar qytetarët, duke i ndaluar investimet që do të përmirësonin jetën e secilit prej jush. Kemi humbur projekte të mëdha për shkak të paaftësisë dhe izolimit që kjo qeveri i ka shkaktuar Kosovës në arenën ndërkombëtare. Nuk ka asnjë dyshim: marrëdhëniet tona me miqtë tanë, me ata që gjithmonë na kanë mbështetur, janë dëmtuar rëndë. Për herë të parë në historinë e Kosovës, asnjë zyrtar i kësaj qeverie nuk është ftuar e as takuar nga partneri ynë më i madh strategjik - Shtetet e Bashkuara të Amerikës. Kjo është e papranueshme! Kjo është një goditje e rëndë për shtetin dhe qytetarët tanë, për të ardhmen tonë. Shteti nuk mund të ecë përpara me njerëz që nuk dinë të udhëheqin, që nuk kanë vizion dhe që e shohin politikën si një lojë hakmarrjeje. Këtë popull nuk duhet ta mbajmë nën frikën e armikut të jashtëm e të brendshëm! Duhet të rikthejmë besimin, të hapim rrugën për zhvillim dhe të forcojmë themelet e një shteti që respekton sakrificën e së kaluarës dhe ndërton një të ardhme të sigurt për të gjithë. Prishtina po ecë para me realizim rekord të buxhetit, me vizion e mision, përkunder sfidave. T'i ndihmojmë edhe Kosovës nesër me votën tuaj të çmuar. Me tutje ne ankes theksojm se kryetari i Prishtines nga radhët e LDK, me këto veprime ka bere shkelje te nenit 34, paragrafi 1, nen paragrafi 1.11 te LZP-së, në Republikën e Kosovës. Si provë ankesës ja ka bashkangjitur linkun e postimit në facebook, [https://ëëë.facebook.com/share/p/1\\$efYgAvNC/?mibextid=ËC7FNe](https://ëëë.facebook.com/share/p/1$efYgAvNC/?mibextid=ËC7FNe).

Në përgjigjen në ankesë të subjektit politik Lidhja Demokratike e Kosovës (LDK), theksohet se, pretendimet ankimore të ankuesit dhe provat e bashkangjitura të ankesave me pretendimin se Kryetari në fjal se ka bërë shkelje në asnjë rrethanë ligjerisht nuk qendron, me tutje theksojm se nuk ka te beje me asnje forme te gjuhes nxitese, provokuese qe dergon në akt dhune kunder personave tjera apo pasuris, dhe se i njëjti u është drejtuar qytetarve të Prishtines, dhe se heshtja zgjedhore ka vlejtur me 9 shkurt nga ora 07:00 deri në ora 19:00. Poashtu ne pergjigje ne ankes theksojm se perdorimi i fjalëve te tilla ne pastime publike eshte pjes e normave te diskursit politik dhe eshte i nevojshem per tu vlersuar dhe analizuar qendrimete e garuesve dhe opinonet ne politik ashtu qe ne menyre te drejt dhe pa qellime te tjera, andaj nese e analizojm fjal per fjale postimin e kryetarit ne fjal ne asnjëren nga to nuk ka te beje me gjuhe provokuese, nxitese apo urejtje.

PZAP-i, pasi që shqyrtoj dhe vlerësoi pretendimet ankimore gjeti se:

-Ankesa është e pa lejuar.

Paneli pasi që shqyrtoi ankesën e parashtruar nga ana e subjektit politik, Lëvizja Vetëvendosje (LVV), me seli në Prishtinë, konstatoi se ankesa është e palejuar, pasi që çështja e njëjtë, lidhur me skeljen e njëjtë është trajtuar me vendimin Anr.469/2025 që rrjedh se ankesa Anr.469/2025 dhe 470/2025 janë të identike, pasi kanë të bëjnë me shkeljen e njëjtë të pretenduar që e ka kryer subjekti politik Lidhja Demokratike e Kosovës (LDK), me seli në Prishtinë.

Nga arsyet e theksuar më lartë duke bazuar në nenin 118 paragrafi 1 të LZP-së, dhe nenin 5 paragrafi 1 nën paragrafi 7, dhe nenin 13 par.3 të Rregullores nr.01/2024, për Procedurat e Parashtrimit dhe Vendosjes së Ankesave, Paneli vendosi si në dispozitiv të këtij vendimi.

Paneli Zgjedhor për Ankesa dhe Parashtresa

A.nr.470/2025 më datën 11.02.2025



Këshilla Juridike: Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimit të këtij vendimi.